

## Cyngor Cymuned Llanddeiniolen

### Cofnodion Cyfarfod y Cyngor a Gynhaliwyd yn Ysgol Gymuned Penisarwaun Nos Fawrth 1af Fawrth 2016

**Yn bresennol :-** Y Cadeirydd Miss Phyllis Ellis a'r Cynghorwyr, Elfed Williams, Richard Ll. Jones, Jane Pierce, Carolyn Roberts, R. Hefin Williams, Rhian Evans a Gwilym Williams

**Gweddi.** Offrymwyd gair o weddi gan Richard Ll. Jones

**1. Ymddiheuriadau.** Aled Green, Geraint Elis, Idris Thomas a Geraint Hughes

**2. Datgan buddiant.** Dim

**3. Cofnodion cyfarfod 2ail Chwefror 2016.**

Derbyniwyd y cofnodion fel rhai cywir.

#### **4. Materion o'r cofnodion**

**Tai Bryntirion Penisarwaun** – Mae'n ymddangos fod oedi pellach ar y sgim yma. Mae yna ansicrwydd os yw NHBC yn fodlon rhoi tystysgrif ar waith y contractwyr ar y draeni. Er ceisio cysylltu i gael ymateb gan rhywyn yn CCG, cyn y cyfarfod, nid oedd neb ar gael i ymateb. Y clerch i gysylltu a gyrru llythyr o'r cyngor cymuned eto!

**Parcio Croesfan King Arthur** - Mae ymweliad wedi bod a'r safle, a bydd yn cael ei gynnwys yn y cynllun arfaethedig cyfyngiadau parcio nesaf ar gyfer Arfon.

**Cynllun Lliniaru Llifogydd** – Derbyniwyd llythyr yn cadarnhau bydd y gwaith yn dechrau ar y 7ed o Fawrth ac yn debygol o barhau am oddeutu 4 wythnos. Y contractwyr fydd G.H.James Cyf.

**Gwaredu Anghyfreithlon** – Mae'r cyngor wedi codi yr eitem oedd wedi ei waredu rhwng Penisarwaun a Bethel.

**Baw Ci** – Mae'r warden yn ymweld o bryd i'w gilydd a phentrefi pan fo cwynion. Yn dilyn ein cŵyn diweddar, bu i'r warden drefnu cyfarfod am y broblem gyda'r cyngorydd yn ysgol Penisarwaun ddiwedd Chwefror. Siomedig oedd presennoldeb pobl yn y cyfarfod, serch hynny cafwyd sgwrs ar beth i'w wneud i leihau y broblem, a danfonwyd tafleni o gwmpas tai.

#### **5. Gohebiaeth a materion eraill**

**Llythyr Ysgol Brynrefail** – Derbyniwyd lythyr gan Lowri Roberts, Osian Edwards, a Lisa Hughes, athrawes a 2 ddisgybl o'r ysgol yn gofyn am unrhyw gefnogaeth tuag at daith grwp o fyfyrwyr hŷn i Batagonia yn nhymor yr Hydref. Cyfeiriwyd ein bod eisioes wedi cyfranu yn ariannol tuag at gost 2 aelod y flwyddyn yma yn barod, ac ein bod yn falch iawn o gefnogi y pobl ifanc. Cyfeiriodd y cyngorydd Richard Ll. Jones ei fod ef ac ambell un arall o aelodau y cyngor yn cymeryd rhan mewn nosweithiau sydd wedi au trefnu i godi arian tuag at y daith.

**Cais Theatr Bara Caws** – Derbyniwyd cais am rodd ariannol gan y cwmni. Unwaith eto ysgrifennu yn ôl yn egluro mai unwaith y flwyddyn sef Hydref yr ydym yn rhoi ystyriaeth i geisiadau am nawdd a hynny wedi derbyn llythyr a Mantolen Ariannol gyfredol.

#### **6. Cynllunio**

**Glan Ffrwd, Brynrefail** – Estyniad deulawr i estyniad presennol.

**Bryn Hyfryd, Bethel** – Codi estyniad deulawr ochor ac estyniad unllawr cefn.

**Perthi, Rhos Bethel** - Estyniad un llawr i ochor blaen y tŷ presennol

#### **7. Gwefan**

Rhoddodd y cleric adroddiad byr ar be sydd wedi ei ddiweddarau ar y wefan, ac be sydd angen ei wneud eto. Gosodwyd cynllun gwaith i aelodau ar hyn yn ystod y mis.

## **8. O gwmpas y Bwrdd**

**Bethel** – Angen cysylltu a Gwynedd i dynnu man maes parcio anabl ar y lôn sydd yn cydreddeg gyda'r hen eglwys heibio y post gan nad oes ddim defnydd ohono bellach.

**Parc Padarn** – Cafwyd rhyw fraslun o syniad ar ffordd i ddatblygu ymhellach cyswllt a Parc Padarn ac ardal yr hen Chwarel/Allt ddu yn Ninorwig. Y weledigaeth oedd gweld rhyw fath o weiren neu ceir rhwng Allt Ddu, incline a Parc Padarn. Hadu hâd gyda'r gobaith y bydd yn ffynu. Buasai'r cynllun yn sicr yn denu mwy o bobol i'r ardal i weld yr hanes ac yn sicr yn adfywio pentrefi Deiniolen a Dinorwig.

Awgrymu gyrru copi a braslun o'r cefndir a syniad i Hywel Williams i edrych beth fydd yr ymateb.

**Parc Padarn** – O fis Chwefror hyd y Pasg does dim warden parcio yn gweithio yno. Felly mae parcio yn rhad ac am ddim!! Ydi hyn yn goll fawr i'r cyngor a ninnau gyda cymaint o doriadau yn ein gwynebu? Hefyd 1 toiled sydd yno ac mae yno blant wedi bod yn ymweld ac wedi eu cau i mewn ar benwythnos – a neb yn warden ar ddyletswydd i helpu. Mae son mae'r rheswm dros hyn ydi nad ydynt yn cael tâl ond yn hytrach cael dyddiau llanw. Clerc i gysylltu a Barry Davies i ofyn beth yw'r sefyllfa, ac os oes modd gwella y rheolaeth ar benwythnos.

**Brynrefail** – Mae tyllau mawr yn y lôn ger Trem Eilian a Erw Nant. Clerc i gysylltu a Priffyrdd. Mae y gwaith adnewyddu y wal wedi dechrau ar bont injan.

**Dinorwig** – Y fainc ger yr hen bost angen ei pheintio. Clerc i gysylltu I gael pris peintio KM Arwydd NO Through Road yn Allt Ddu wedi dod o'r ddaear ac yn gorfedd ar lawr. Clerc i gysylltu a Gwynedd